


明清以來公藏書目彙刊

本社古籍影印室 輯 北京圖書館出版社

15






明清以來公藏書目

彙

本社古籍影印室 輯 北京圖書館出版社
MINGQINGYILAI GONGCANG
SHUMUHUIKAN

15

刊



第十五冊目錄

北平圖書館善本書目·····	一
國立北平圖書館善本書目乙編·····	五二一
國立北平圖書館善本書目乙編續目·····	八二七

國立北平圖書

館善本書目

四卷

尹默

民國廿二年十月槧印

古者國之簡冊藏於柱下周官外史掌四方之志三皇五帝之書兩漢以降西京之金馬石渠東京之蘭臺東觀號爲典籍之林其典掌皆史職也迨後世好文之主下詔遣使四出徵書以充祕府由是館閣之制興焉然嘗詳稽故實凡其編入中經錄之官簿者專以供幾暇之披覽侈承明之珍祕而非與人士共之者也有清中葉詔開四庫網羅古今旣成定本著錄於文淵閣又降敕錄副分頒文宗文匯文瀾三閣設館儲書公諸天下此其權輿至光緒季年張文襄管理學部乃奏請開館於京師設官定制列諸職掌圖書館之名裔裔皇皇遂爲海內士流所引望矣顧草創之初所恃以充架者惟內閣大庫舊藏其中宋元祕籍殆數百種惜其年湮代遠闕失弘多其後端忠敏自江南奏進有歸安姚氏南陵徐氏海虞瞿氏諸家之書舊槧精鈔

往往而在而甘肅大吏解進敦煌石窟經卷又八千餘軸嬪代
以來文津閣四庫全書更自熱河輦至咸皮其中函帙旣多駸
駸鼎盛惟館址再遷屋宇卑陋僅可蔽風雨資用困絀粗足給
藏吏以云展布殆所未遑余長部務時頗欲銳志經營以繼崇
文集賢之軌丁國多故事與願違第手訂閱覽寫錄條章增給
收書歲額而已近歲文化復興之說騰播海宇羣謂吾國學術
文藝咸憑載籍以傳保粹存古之道崇爲國論於是朝野獻議
中外協謀移前代歲幣所餘合新舊兩館而擴充之選地於瓊
島之西未及三年高樓雲起朱甍碧瓦輝映湖山錦帙牙籤充
塞棟宇蓋制度之崇閎蘊藏之美富琅嬛福地委宛仙居殆無
以過非復昔時華路藍縷之風矣袁君守和以專門名家久領
館政任事伊始卽延趙君斐雲專司徵訪纂校之職趙君夙通

流略允擅鑑裁陳農之使斯爲妙選頻年奔走苦索冥搜南泛
茗船北游厥肆奮其勇銳擷取菁英且能別啟恒蹊自抒獨見
於方志禁書詞曲三者蒐采尤勤夫吾國典籍夙稱浩博然統
系分明最裨實用者莫如地志嘗考千頃黃氏所載佳構如林
而閣本徵收祇有姑蘇無錫武功朝邑四志存者千一挂漏實
多館中有慨於此肆力訪求大而都會遠及邊隅斷自啟禎數
逾四百四明范氏差足抗衡此洵百國之寶書四庫之佚典矣
至於銷燬之嚴科實文字之厄運批根引蔓盡付劫灰今則禁
網旣寬屋壁咸出煥然神明頓還舊觀此皆先民精魄所存緊
由神物護持之力別如詞曲雜劇之屬率爲前史藝文所遺第
樂府流傳風雅攸寄極才人之藻思爲文苑之附庸矧西廂琵琶
會登經籍過而存之亦王圻續通考之例也凡茲目哀香之

編要諸家簿錄所略焉若夫宋槧元刊祕鈔名校所在求之若渴時拔其尤苟曠世之稀逢斥兼金而勿卹至如天一海源及南北舊家近歲流出者亦復惜其散亡廣爲羅致或一書而兼收數本或殘帙而竟獲重完綜計先後所得合以舊儲審定入善本庫者爲書凡三千七百九十有六部以卷計者凡七萬八千一百九十有九而乙庫所藏善本尙不與焉溯自闢館以來編目之役凡經數舉繆君藝風以宿彥耆儒首膺館職手自屬草排比粗定曾經鼎革不及付雕坊肆流行僅存初稿嗣則江君叔海王君懋鎔續加葺錄已而夏彭二君重事修正於舊目譌奪頗肆抨彈然第工於糾人而所撰未爲賅備今乃擬定體例將欲輯爲書影錄爲書志次第刊布以便編摩先成簡目四卷授之梓人趙君以序文爲請自維生平酷嗜藏書兼耽讐校

信於茲館雅有宿緣憶自癸丑入都僦屋西涯晨鈔暝勘歷夏
涉秋孤籍異書咸得寓目及新屋落成衡宇相望蹤跡益稠一
甌往還殆無虛日回溯二十餘年始以抱殘守缺之篤終成鴻
博鉅麗之觀譬之於人初識之於髫髻繼乃見其長成今則騰
實蜚聲魁然冠世使余垂老之年躬逢勝賞其愧歎欣愉之情
固有倍蓰於恒人者矣或以茲目依類標名未參序論微傷簡
略豈饜羣情不知尤氏遂初始題版本此編之作例屬初枕逮
及直齋解題備詳考訂要俟削稿正可合鑄鉅製鴻編照耀宇
內吾知太液池畔必有慶雲之采虹月之輝輪困紉縵上與東
壁爭光昔人所侈爲羣玉之府二酉之山者庶幾旦暮遇之矣
共和建國二十有二年十二月旣望江安傅增湘序

8

國立北平圖書館善本書目總目

海寧 趙萬里 撰集

卷一

經部

易類二十一種二百一卷

書類九種六十三卷

詩類十九種二百二十一卷

禮類二十六種五百九十七卷

春秋類三十二種四百八十四卷
內一種不分卷

四書類二十四種一百八十卷

諸經總義類十種三百八卷
內一種不分卷

樂類十三種五百六十二卷

小學類四十六種五百八卷

內一種不分卷

都二百種三千一百二十四卷

內三種不分卷

卷二

史部

正史類一百十三種七千五百九十四卷

內一種不分卷

別史類十七種一千八百三十一卷

編年類七十種五千五百五十八卷

內一種不分卷

紀事本末類十四種二百一十一卷

雜史類四十種五百六十六卷

內二種不分卷

詔令奏議類九十一種一千七百十六卷

內八種不分卷

傳記類一百六十種一千九百二十五卷

內七種不分卷

載記類十六種一百五十卷

地理類五百三十六種七千二百六十四卷 內七種不分卷

職官類十七種一百八十七卷

政書類一百二種四千七百八十卷 內七種不分卷

金石類二十三種二百五十二卷 內一種不分卷

目錄類十七種一百七卷 內六種不分卷

時令類一種十四卷

史評類十九種一百五十三卷

史抄類二十種三百三十五卷

都一千二百五十六種三萬二千六百四十三卷 內四十種

不分卷

卷三

子部

儒家類六十四種九百六十九卷

兵家類二十四種二百八十四卷 內一種不分卷

法家類五種四十八卷

農家類五種十三卷

醫家類五十七種六百二十六卷 內一種不分卷

天文算法類十二種一百二卷 內二種不分卷

術數類四十五種四百三十四卷 內六種不分卷

藝術類十九種一百四十四卷

譜錄類十四種一百二十六卷

雜家類二百十六種三千九百四十一卷

類書類七十七種九千十七卷 內二種不分卷

小說類四十二種八百三十四卷

釋家類七十二種四百七十九卷 內一種不分卷

道家類五十五種二百二卷 內四種不分卷

都七百七種一萬七千二百十九卷 內十七種不分卷

卷四

集部 補遺附

漢魏六朝別集類十五種七十七卷

唐別集類八十三種八百五十七卷 內一種不分卷

宋別集類一百九十五種四千五百三十二卷 內六種不分卷

金別集類二種四十卷

元別集類九十五種一千一百二十九卷

明別集類八百九十七種一萬二千二百三十九卷 內九種不分卷

總集類一百五十七種四千九百三十六卷

內五種不分卷

詩文評類二十二種五百六卷

詩餘類三十三種一百二十四卷

南北曲類一百三十四種七百七十三卷

內十一種不分卷

都一千六百三十三種二萬五千二百十三卷

內三十二種

不分卷

四部書共計三千七百九十六種七萬八千一百九十九

卷

內九十二種不分卷

總目終